

SEKITAR PENDAFTARAN PELAJAR BARU

Tolak belajar di India

■ Yakin kualiti, keupayaan UMP lahirkan graduan terbaik

Oleh Mohd Rafi Mamat

am@mediaprima.com.my

Kuantan

Yakin dengan kualiti dan keupayaan Universiti Malaysia PAhang (UMP) melahirkan graduan terbaik dalam bidang kejuruteraan mendorong seorang remaja menolak tawaran melanjutkan pelajaran di India kerana mahu mencari ilmu di universiti tempatan.

Ainil Fahsha Nasrun Adil, 19, berkata dia yakin pengalaman lebih 10 tahun UMP memberi kelebihan kepada dia memiliki segulung ijazah dalam bidang kejuruteraan komputer.

"Keupayaan UMP mela-

sional dalam bidang kejuruteraan mendorong saya memilihnya dan menolak tawaran dalam bidang perubatan di India," katanya.

Ainil Fahsha antara 1,905 pelajar baru ijazah sarjana muda yang ditawarkan tempat di UMP kampus Gambang, di sini dan Kuala Pahang, Pekan.

Ainil Fahsha yang sebelum ini belajar di Kolej Matriculasi Tangkak, Johor berkata, kelebihan UMP antara universiti terkemuka di negara ini membuatkan dia tidak teragak-agak memilih pusat pengajian berkenaan.

Menurutnya, dia tidak terkilan menolak tawaran dalam bidang perubatan kerana yakin bidang komputer



AINIL Fahsha

menjanjikan peluang pekerjaan lebih luas di negara ini selain menjanjikan pendapatan lumayan.

Bagi Hamim Sovester, 19, tawaran melanjutkan pengajian di UMP dianggap suatu hadiah bererti bagi mencapai cita-cita menjadi seorang jurutera suatu hari nanti.

"Saya sanggup meninggalkan kampung di Ranau, Sabah semata-mata ingin memenuhi cita-cita memiliki segulung ijazah dalam bidang kejuruteraan awam," katanya.